

سنة لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

محکمات

آبونه اولمق ایستینلر دائره عدلیه ده
اداره مخصوصه سنه مراجعت
ایملیدر
اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه یه متعلقدر .

تجارت و محکمات

برنجی تجارت محکم سی باش کتابته
استیناف تجارت محکم سی باش کاتبی رفعتلو علی رضا
بک

دیمتوقه قضایی بدایت محکم سی مستنطقلکنه
توقاد سنجانی بدایت محکم سی مستنطق سابق محمد
منیر افندی تعیین قلمش ومومی الیها ذاتاً محلف
بولمشدر .

تبلیغات

بر شخص حقنه متعدد محکم لردن و بریلوب
برای انفاذ دردست اولدینی محل مدعی عمومینه تودیع
ایدیلان اعلامات احکامندن خفیف جزایی شامل اولانک
آغمرینه قلیله آنک ودرجه متساویه ایه تاریخچه
اسکی اولان حکمک اجرا سیله اکتفا اولنسی محکم
تمیز قراریه و اصول موضوعه دلائله لازم کلکده
ایسه ده قلب معامله سنک خفیف جزایی حکم ایدن
محکمیه می یوقسه آغر جزایی حکم ایدن محکمیه می
و باخود علی الاطلاق هرا یکسنک نزدنده بولنان
مدعی عمومینک تابع بولدینی محکمیه می عاند
اوله جقنده تردد ایدلیکنندن بحاله استفسار معامله یی
متضمن وان ولایتی مرکز بدایت محکمیه می مدعی
عمومی معاونلکنندن وقوع بولان اشعار اوزرینه جرائم
متعدد ایه مظنون علیه بولنان بر شخصک متجاسر اولدینی
افعالک نوعی اعتباریه یکدیگرندن فرقلی اولدینی یعنی
هم جنایت همده جنحه بولدینی صورته اشد مجازاتی
مستلزم اوله جق جنایت فعلندن طولای عاند اولدینی
محکمده جرائم سائر سنک سبب شدت عد اولنق اوزره
توحید محاکمه قاعده سنه توفیقاً اجرای محاکمه سیله
ترتیب مجازاتی مقتضای احکام قانونیه دن اولمغه اشبو
قاعده قانونیه اولباده کی تردد و اختلافی رفع وازاله یه
کافی اولوب فقط متن تحریرانده حکمندن دخی بحث

محاکمات و مقررات

ایدلمکده اوله رق حالبوکه جرائم متعدد ایه مظنون
علیه بولنان بر یکمسه حقنه بر منوال محرر توحید
محاکمه قاعده سی اجرا قلمیوب هر بر جرمندن دولای
آیری آیری اعلام ایه محکوم اولدینی حانده اشبو
اعلاملرک تنفیذ احکامی مقتضی اولدینی انجمن
عدلیه دن افاده قلمشدر .

محکم شرعیه ده اقامه اولان نکاح دعواسنده
خلاف واقع شهادت ایتمسندن دولای مظنون
اولان عثمان و محمدک التیشرمه مدته حبسارینه دائر
یورغاد سنجانی بدایت محکم سی جزا دائره سندن
ویریلان اعلامک تمیزی حقنه اعطا و محکم مذکوره
مدعی عمومی معاونلکنندن اسرا قلنان عرضالک
شرائط قانونیه یی جامع اولماسندن ناشی ردینه محکم
تمیز استدعا دائره سنجانه قرار ویرلشدر .

حامی قتل ایتمسندن دولای جنایتله اتهام اولان
حافظ نورینک معافیه دائر سیروز بدایت محکم سی
جزا دائره سندن اعطا قلنان اعلامک تمیزی حقنه
محلی مدعی عمومی معاونلکی طرفسندن تنظیم واسرا
قلنان عرضالک ردینه محکم تمیز استدعا دائره سنجانه
قرار ویرلشدر .

بودروم قصبه سنده مقیم مغالیه یونس اوغلی حسنک
قتل اولمسندن دولای جنایتله اتهام اولان قصبه
مذکور مکمر محله سی اهالیسندن حسن بن احمدک
اون بش سنه مدته کورکه قونلسنه دائر منتشاسنجانی
بدایت محکم سی جزا دائره سندن اعطا قلنان یوز
درت نومرولی اعلام محکم تمیز جزا دائره سنجانه
تصدیق اولمشدر .

ادرمیدلی یانی اوغلی چوبان میخالک ضرباً و فاقنه
سببیت ویرمسندن دولای جنایتله اتهام اولان قصبه

مذکورده لی بکچی محمد بن حسنک بش سنه مدته کورکه
قونلسنه دائر قره سی سنجانی بدایت محکم سی جزا
دائره سندن اعطا قلنان بیک اوچوز سکسان سکز
نومرولی اعلام محکم تمیز جزا دائره سنجانه تصدیق
ایدلشدر .

استروجه قصبه سی اشراقندن حاجی فائق بک زاده
مظلوم بکله رفیقی عارف بکک انانی راهده مساحاً
اوکلرینه چقه رق عارف بکی جرح ومظلوم بکی طاغه
قالدیره رق فدیة نجات طابنده بولندقلری ادعاسیله
جنایتله اتهام اولنان رادویشته قضاسنه تابع قویچه
قریه لی سمرجی پتره ولد میطه نک بش و وارداریجه
قریه لی واشیل ولد دونه واستروجه لی قصاب پانده ولد
رستونک اوچر سنه مدته کورکه قونلرینه دائر
سلانیک ولایتی استیناف محکم سی جزا دائره سندن
اعطا قلنان اوچوز اون نومرولی اعلام محکم تمیز
جزا دائره سنجانه تصدیق ایدلشدر .

موسالر عشیرتندن حاجی علی اوغلی انجه محمد
قتل قصیده تشهیر سلاح ایتمسندن دولای جنایتله
اتهام اولنان تکلی عشیرتندن قاضی اوغلی قره
حسنک اوچ سنه مدته کورکه قونلسنه دائر صاروخان
سنجانی بدایت محکم سی جزا دائره سندن اعطا
قلنان یتش بر نومرولی اعلام محکم تمیز جزا دائره
سنجه تصدیق ایدلشدر .

ترجان قضاسنک پارمق قریه لی طورون اوغلی
بحرینک خانه سنک قوسو کلیدینه آناختار تقلیدیه
آچهرق و صندوق وچکمجه سنی قیره رق نقود واشیا
سنی سرقت ایتملرندن دولای جنایتله اتهام اولنان
قریه مذکورده لی ابراهیم بن ابراهیم ورستم بن
امراللهک اوچر سنه مدته کورکه قونلرینه دائر
ارضروم ولایتی استیناف محکم سی جزا دائره سندن
ویریلان اون سکز نومرولی اعلام محکم تمیز جزا
دائره سنجانه تصدیق اولمشدر .

عشاق قضاسنک تانار قریه سندن قحاح اوغلی

مذكرة سی ارضروم ولایتی هیئت اتهامیه سندن اعطا قندى.

ارضروم ولایتی مرکزیه ملحق اووه حق ناحیه. سناک چناق قریه سندن قوق اوغلی حسینی قتل ایتمسندن طولانی مظلون علیه اولان وحقنده توقیف مذکره سی ویرلدیکی حالد غیر موقوف اولدیغی آکلاشیله رق اخذ وکرفتى ضمنده مذکره اعطاسی استیفاف مدعی عمومیلکندن طلب اولسان ناحیه مذکوره مدیری حاجی محمد اوغلی علی افندینک فعل مذکوره مجاسر تندن طولانی حرکتک استلزام ایستدیکى قانون جزانک یوز یتش دردنجی ماده سی موجبجه ارضروم ولایتی استیفاف محکمه سی جزا دائره سنده محاکمه سی اجرا قلنمق اوزر جنایتله اتهامه قرار ویرلمش اولدیغندن متهم مرقومک هر زرده کوریلورایسه د دست اوله رق محکمه مذکوره توقیفخانه سینه تسلیمی لازمکه چکی بالمله ضابطه عدلیه مأمورلرینک معلومی اولمق اوزره اشبو اخذ وکرفت مذکره سی ارضروم ولایتی هیئت اتهامیه سندن تنظیم واعطا قندى.

تجارت بحریه محکمه سنده :

غلطه ده فرمه جیلرده ۸-۱۳-۱۴-۲۴ وبک اوغلنده جاده کیرده سن قلو مغازه سنده ساکن مفاس یانی اندریادیسک کرک شخصی وکرک نیکه نس غلوسوتیس ایله اولان شرکتی ذمتده الاجغنی اثبات ویا موقتاً قبول وقید ایتمیش اولان الاجقیلرک قانوننامه تجارتک ایکی یوز اون برنجی وانی ولی ایدن ماده سی موجبجه مفاس مرقوم طرفندن تکلیف اوله حق قونقورداتونک مذاکره سیچون اشبو بیک اوچیوز اون سکره سنی شهر نیسانک یکرمی طقوزنجی بازار ایر- تسی کونی ساعت آلتی راده لرنده محکمه تجارت بحریه نک انلاسه مخصوص اوطه سینه کلری اعلان اولنور.

ایکنجی محکمه تجارت سنده :

غلطه ده آینه لی لوقانظه زقاغنده ۲۳ نومرولی دکانده مقیم حاضر جی اصنافندن آریستیدی اباجو - پولونک ۱۸ نیسان ۳۱۸ تاریخندن اعتباراً اعلان افلاسه و مصالح افلاسیه نک رؤیت و تسویه سی ضمنده اعضای محکمه دن سعادتلو رضا بکک ژوژ قومیسر ودعوی وکیللرندن والیاس سیموناکی افندینک موقت سندیک تعینلرینه و مغازه و خانه سنده کی اشیاى زائده بیتیه سناک تمهیرینه واوراق ودفاترینک جلبنه وکفالت ارانه ایده مدیکى تقدیرده حبسنه و بوباده کی قرارک موقتاً اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنمق اوزره

اوچیوز اون سکره سنی مایسنک ایکنجی پنجشنبه کونی ساعت التی راده لرنده اصحاب مطلوبک محکمه مذکوره نک افلاس اوطه سینه کلری اعلان اولنور.

استانبولده مارپوشجیلرده کوچک عبود اقدی خانی آلتنده شمسیه تجارتیه مشغول تیحاردن مایر سینائی و اوغلنک ۲۰ نیسان سنه ۳۱۸ تاریخندن اعتباراً اعلان افلاسه و مصالح افلاسیه نک رؤیت و تسویه سی ضمنده اعضای محکمه دن سعادتلو جمیل بکک ژوژ قومیسر ودعوی وکیللرندن سلیم حسینی وقسطاکی مالینوپلو افندیلرک موقت سندیک تعینلرینه و مغازه و اشیاى زائده بیتیه سناک تمهیرینه واوراق و دفاترینک جلبنه وکفالت ارانه ایده مدیکى حالد حبسنه و بوباده کی قرارک موقتاً اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنمق اوزره اوچیوز اون سکره سنی مایسنک آلتنجی بازار ایرتسی کونی ساعت یدى راده لرنده اصحاب مطلوبک محکمه مذکوره نک افلاسه مخصوص اولان اوطه سینه کلری لزومی اعلان اولنور.

در سهارت محکمه تجارت اجرا دائره سنده

طوریکیان آرتین اغانک جیر اوغلی قسطی ذمتده محکوم به اولان آلاچنک تسویه سیچون مواضعه انکلتره دولتی تبعه سندن موسیو جورج قارال نام کسنه عهده سینه مقید بولنان ویکدیگریله برلشمش اولان ارنبود قریه سنده چارشو میدانده واقع و دروننده شهری یوزیکرمی بش غروش آلتون آچقه ایجار کتورر مسکرات مغازه سنی و مشتملات سائر دینی محتوی ۵۳ و ۵۵ و ۵۷ و ۵۹ و ۶۱ و ۶۳ نومرولرایله مرقم علی- التخمین اوچیوز الی ذراع عتیق مقداری معلوم- الحدود برقطعه عرصه بوندن اقدم موقع مزایده یه قونیه رق عثمانی لیراسی یوز غروش حسابیه اون بش بیک غروشه طالبی عهده سنده قلنش و تاریخ اعلاندق اعتباراً اوتوز برکونه یعنی کله جک مایس رومینک یکرمی بشنجی جمعه ایرتسی کونی ساعت اونه قدر یوزده بش ضم قبول اولنمی و ذکر اولنان یوم و سائنده صوک مزایده سی بالا اجرا قرار قطعیسی ویریلرک طالبی عهده سینه کچورلمی مقرر بولنش اولدیغندن و آندن صکره هر نه ضم وقوعبولور ایسه قبول اولنیه جقندن مع مشتملات مذکور عرصه یه یوزده بش ضمیله طالب اولانلرک ردها زیاده معلومات آلمق ایستیانلرک بدل مزایدنک عشرینه مساوی پی آچقه سیله برابر مدت مزبورده طرفنده محکمه تجارت اجرا دائره سینه مراجعت ایلملری و یوم و وقت مذکورده

ذکر اولنان عرصه پیشکاهنده حاضر بولملری دائره مذکوره دن اعلان اولنور.

بک اوغلی بدایت محکمه سی اجرا دائره سنده :

صراف واسیلا کینک اندریقو ذمتده محکوم به آله جنی اولان معلوم المقدار مبالغک تأمین استیفافى ضمنده مدیون مرقومک عهده تصرفنده بولنان قمر خاتون محله سنده یاسمین زقاغنده برنومرولی عرصه سناک ثلث حصه سی حجز آلتنه آله رق لدی المزایده طقوز یوز غروش بدل ایله طالبی عهده سنده تقرر ایتش اولدیغندن تاریخ اعلاندن اوتوز برکون ظرفنده یوزده بش ضمیله طالب اولانلرک بک اوغلی بدایت محکمه سی اجرا دائره سینه مراجعت ایلملری و اوتوز برنجی کونی دخی قرار داده قطعیسی کشیده قلنمق اوزره عرصه مذکور پیشکاهنده حاضر بولملری اعلان اولنور.

ککبوزه بدایت محکمه سی اجرا دائره سنده :

داریجه ناحیه سندن یاسفک جهت کفالتدن طولانی بااعلام خزینه خاصه شاهانه یه دینی بولنان مبالغ معلومه نک تأمین استیفافى ضمنده اولجه حجزایدیلوب مزایده یه وضع ایدلمش ومومی الیهک عهده سنده بولنش اولان ناحیه مذکوره جوارنده باطی پیکارنده معلوم الحدود بردونم اوچ اولک برقطعه باغ اوچیوز یکرمی بش غروش بدل ایله داریجه دن اسماعیل رئیس عهده سینه موقت قراردادده سی کشیده قلنمش اولدیغندن بدل مذکور دن یوزده بش فضله ایله طالب اولانلرک اوتوز برکون ظرفنده ککبوزه بدایت محکمه سی اجرا دائره سینه مراجعت ایلملری اعلان اولنور.

داریجه ناحیه سندن عربجه جی پنیایوطک جهت کفالتدن طولانی خزینه خاصه شاهانه یه بااعلام محکوم بولندینی مبالغ معلومه نک تأمین استیفافى ضمنده اولجه حجز آلتنه النوب مزایده یه وضع ایدیلان وکفیل مومی الیهک عهده سنده بولنان داریجه جوارنده قوش تپه ده واقع معلوم الحدود درت دونم مقداری برقطعه باغک اجرا قلنان مزایده سنده سکر یوز غروش بدل ایله خزینه خاصه شاهانه نامه موقت قرار داده سی کشیده قلنمش اولغله یوزده بش ضمیله طالب ظهورنده احاله قطعیسی اجرا قلنمق اوزره بوباده ظهور ایده جک طالبک ککبوزه بدایت محکمه سی اجرا دائره سینه مراجعت ایلملری اعلان اولنور.